



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 44. Ludovici Galliarum Regis edicta contra Hugonottas.

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)

non licet: nisi etiam ob continuam Pontificis, & Catholicorum oppositionem pax quoque Westphalica immutaretur. Inde tamen haud levis rei Catholicæ facta est accessio; quippe præter sexdecim Calvinistarum Tempora postmodum suppressa, Galli multis in Palatinatu, aliisque ad Rhenum & Mosellam locis Catholicam religionem restituerunt, & ubi jam introducta erat, eam in statu suo relinqui curarunt.

Sæc. XVII.
A. C. 1697.

§. XLIV.

Ludovici Galliarum Regis edita contra Hugonotas.

Postquam vi hujus Pacis Guilielmus III. *Hode l. 6.*
Auriacus Princeps, heri in Regem *pag 246.*
Angliæ agnitus, Principatum Arausi- *Abrege*
canum denuo receperat, eo Calvinista- *Chron. t. 3s*
rum quamplurimi exules commigrare parabant, quo comperto Ludovicus XIV. Galliarum Rex die duodecima Decembris sub pœna capitali prohibuit, ne ad hunc Principatum contenderent, atque illi, qui jamjam aufugissent, intra semestre in Franciam redirent, illis vero Prædicantibus, qui Lugduni capti detinebantur, Rex Arausium revertendi facultatem dedit. In hoc edito Religio, & ratio status æquas partes habuisse videtur; concessa enim *Hist. Eccles. Tom. LXVI.* E e emi-

Sæc. XVII. emigrandi facultate hic Principatus
A. C. 1697. brevi ob confluentium Calvinistarum
 multitudinem ac potentiam in alterum
 Rupellense propugnaculum Gallis for-
 midandum evasisset. Die autem tri-
 gesima prima ejusdem Mensis anno se-
 quenti idem Rex præcepit, ut edictum,
 quo Nannetense revocaverat, execu-
 tioni daretur, hacque ratione Hugo-
 notæ omni conscientiæ libertate fruendi
 spe, quam ex bello Gallico concepere,
 exciderant: disertis enim verbis Rex
 in suo edicto agebat, quod non sine
 gravi doloris sensu percepisset, belli
 tempore quosdam Prædicantes, alios-
 que de suis subditis, Calvini erroribus
 obduratos, aut clam in Regnum pene-
 trasse, aut conversos iterum pervertere,
 vanisque spebus eos lactare, conatos
 fuisse: quapropter denuo omne præ-
 tensæ Religionis reformatæ exercitium,
 omne cum Prædicantibus commercium,
 omnemque sub quocunque obtentu cœ-
 tum eis interdicere compelleretur: In-
 super Rex Episcopis injunxit sedulam
 conversorum institutionem, atque eos
 hortatus est, ut curarent, quatenus nec
 conversi rebus divinis diligenter inter-
 sint, mandata Ecclesiæ observent, Sa-
 cerdotes debito honore colant, in con-
 trahendis matrimoniis solemnitates a
 Canonibus, & ultimo concilio præscri-
 ptas

ptas observent, infantes suos in Tem-
 plo Parochiali intra viginti quatuor ho-
 ras ritu Catholico baptizari curent, nisi
 expressam ab Episcopo licentiam obti-
 nuerint differendi Baptismum. Deni-
 que Rex in suo edicto plures saluberrim-
 os articulos de instructione & Chri-
 stiana juventutis educatione addidit.

Sæc. XVII.
 A. C. 1697.

§. XLV.

*Turcæ a Cæsareis ad internecionem
 deleti.*

Postquam Fridericus Augustus Saxo-
 niæ Elector in Poloniæ Regem in-
 auguratus fuerat, in ejus locum Eu-
 genius Sabaudix Princeps crebris jam
 victoriis clarus in Hungarici exercitus
 Præfectum a Cæsare nominatus est. Hic
 ergo ineunte Mense Julio Varesmartonii
 collectis suorum ferme quinquaginta
 millibus Valdimontium Principem cum
 decem armatorum millibus Tokainum
 emisit, ut Hussaros, qui ductore Fran-
 cisco Tokayo seditionem concitaverant,
 reprimeret, hancque urbem, ceteras-
 que sub Tökeli auspiciis captas recupe-
 raret: Postea rebellibus ubique cæsis,
 aut captis, extremoque supplicio mulcta-
 tis, Eugenius die vigesima quinta Julii
 Petrovaradinum movit; Barbarorum e-
 nim consilia ad intercipiendam hanc

*Hist. du
 Princ. Eug.
 t. I. l. 3.
 pag. 198.*